

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 27.06.2018թ. թիվ 1808205632 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<10> 07 2018թ. 17-13-78192-18/17-13-8035

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Գոռ Վարդանի Մանուկյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Թոթովենցի նրբանցքի 3/2 շենքի 31 բնակարանի բնակիչ Գոռ Վարդանի Մանուկյանը դիմումով հայտնել է, որ <<TOYOTA>> մակնիշի 35QA955 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 27.06.2018թ. թիվ 1808205632 որոշումը՝ նշելով, որ իրավախախտումը կատարել է ծայրահեղ անհրաժեշտությունից ելնելով:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Գոռ Վարդանի Մանուկյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ վարչական պատասխանատվության ենթարկելու մասին 27.06.2018թ. թիվ 1808205632 որոշումը բեկանելու հիմքեր չկան:

Դիմումատուն ըստ էության ընդունում է Ճանապարհային ոստիկանության վարչական տույժ նշանակելու մասին 27.06.2018թ. թիվ 1808205632 որոշման իրավաչափությունը և այն վիճարկում է միայն իրավախախտումը ծայրահեղ անհրաժեշտության վիճակում կատարած լինելու հիմքով՝ չներկայացնելով պահանջը հիմնավորող որևէ ապացույց:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝

ա) անձը՝ նրա համար բարենպաստ փաստական հանգամանքների առկայության դեպքում.

բ) վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ դիմումատուի կողմից թույլ տրված վարչական իրավախախտումը կարող է համարվել ծայրահեղ անհրաժեշտության վիճակում կատարված, եթե այն կատարել է մի այնպիսի վտանգ վերացնելու համար, որը տվյալ հանգամանքներում չէր կարելի վերացնել այլ միջոցներով:

Ելնելով վերոգրյալից, նկատի ունենալով, որ վերը նշված իրավանորմի համաձայն դիմումատուի կողմից չեն ներկայացվել իր համար բարենպաստ փաստական հանգամանքների առկայության վերաբերյալ ապացույցներ և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Գոռ Վարդանի Մանուկյանի՝ Ճանապարհային ոստիկանության վարչական տույժ նշանակելու մասին 27.06.2018թ. թիվ 1808205632 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Գոռ Վարդանի Մանուկյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Գոռ Վարդանի Մանուկյանին:

Կատարող՝ Ա.Միրզոյան



Ե. Կարապետյան